



## No tempo dos suevos

Xoán Bernárdez Vilar

«*In tempore Sueborum: 411-585*».

*Ab oriente Alania est, in medio Dacia ubi et Gothia, deinde Germania est ubi plurimam parte Suebi tenent, quorum omnium sunt gentes LIIII.*

A partir do Oriente está a Alania, no medio a Dacia e a Gothia. Despois atópase a Xermania, que ocupan na maior parte os Suevos, dos que todas as súas liñaxes son cincuenta e catro.

*...excitatae per Stiliconem gentes Alanorum ut dixi, Sueborum, Vandalorum multaeque cum his aliae Francos proterun, Rhenum transeunt Gallias invadunt directe impetu Pyrenaeum usque perveniunt.*

Incitadas por Stilico, como xa dixemos, as xentes dos Alanos, os Suevos e os Vándalos, e outras mesturadas con elas, derrotan aos Francos, pasan o Rin, invaden as Galias e, en directa acometida, chegan ao Pireneo».

Paulo Orosio Bracarenis:  
*Historiarum, I, 2, e VII, 40.*

Entre o 5 de xaneiro e o 4 de marzo permanecerá aberta ao público, en Ourense, e en tres espazos diferentes, a mostra *No tempo dos suevos (411-585)*, coa que se lembra a importancia do reino que este pobo xermano fundou na Gallaecia, independizándoa ao mesmo tempo do Imperio Romano. Algo que aconteceu no ano 411, 65 antes da desaparición do mesmo o 4 de setembro do 476, cando o bárbaro Odoacro (c. 433-493) destronou ao seu derradeiro emperador, Rómulo Augusto, de tan só 16 anos de idade.

Nesta mostra, pola que parece terse interesado o Goberno de Portugal, ofrécense á contemplación 262 pezas de xoias, figuras artísticas, e ornamentos procedentes de trece museos de Europa, e de dez países distintos, todos eles relacionados con este pobo, o máis importante ou, polo menos, o máis numeroso da Xermania no século IV. Con elas